



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

35. De eadem re aliæ quæstiones breuiter diluuntur.

urn:nbn:de:hbz:466:1-14077

Carthag. 4. cap. 84. & August. Epist. 110. Nomen vero Imperatoris, aut Regis ijs in locis, ac prouincijs, quæ in eius imperio, & ditione sunt, ut ait Innocentius III. Illud verò pro omnibus Orthodoxis, Micrologus scribit esse superfluum, nec habetur in libris correctionibus, habetur tamen apud Alcuinum, Innoçetium, & ceteros: nec videtur abundare, non enim idem est orare pro Ecclesia vniuersa, quod pro omnibus Orthodoxis, quoniam hoc loco omnes Orthodoxi accipiuntur ceteri omnes à Papa, Episcopo loci, & Rege, vel Imperatore distincti: perinde, ac si diceretur: offerimus tibi in vniuersum pro omni Ecclesia, deinde verò speciatim pro Papa, pro Episcopo loci, vel Rege, vel Imperatore, & pro ceteris omnibus Orthodoxis.

Obijctes, saltem superiuscanea videri illa, quæ subiunguntur verba: *aque fidei Catholicæ, & Apostolice cultoribus*: cum iudem videantur esse orthodoxi, qui Catholicæ, & Apostolice fidei cultores. Respondeo in hunc modum: sicut in sacris literis crebre inueniuntur repetitiones eorumdem, aut Synonimorum verborum, ad animi affectum plenius, ac vehementius exprimendum, augendum, & amplificandum; sic etiam Ecclesia in suis precationibus eadem repeteat, aut Synonia adhibere solet ob affectum animi expressius significandam.

Quærat aliquis, quām aptè dicatur ab Ecclesia: *quaerib[us] tibi offerimus Domine*. cum de pane ipso, & vino loquatur, nec enim panis, & vinum offeruntur, sed corpus, & sanguis Domini. Profecto, panem, & vinum, dicit Ecclesia offerre se tanquam materiam in corpus, & sanguinem Domini mutantam, & proinde tanquam materiam consecrandam. Quid aerat insuper quispiam, quid significetur illis verbis: *Pro quibus tibi offerimus, vel qui tibi offerimus pro redemptiōne animarum suarum*. Respondeo, cum dicatur, *pro quibus offerimus*, intelligi illos, qui nihil ad hoc sacrificium contulerunt, nihilque de hoc sacrificio cogitarunt; ac proinde pro illis offertur sacrificium, non ipsi offerunt: nomine autem eorum, de quibus dicuntur, *qui tibi offerunt*, accipere debemus ceteros, qui aliquid ad sacrificium attulerūt, videlicet, quia aut elemosynam erogarunt, aut sacrificio prælentes adiuncti, aut rem diuinam faciendam aliquo modo curarunt.

Caput XXXV. De eadem re aliæ questiones breuiter diluuntur.

PRIMO queritur, Quinam sit sensus eorum verborum Canonis: *Communicantes, & memoriā venerantes*. Alcuinus in cap. de celebr. Miss. Innoc. lib. 2. de Miss. Miss. cap. 9. Durand. in Ration. lib. 4. capit. 38. & alijs, hæc verba referunt ad Communionem cum Sanctis, ut hæc sit sententia: offerimus hoc sacrificium communicantes Sanctorum memorij, & eosdem venerantes. Micrologus refert hæc verba ad offerentes inter se, perinde ac si diceretur, nos communicantes, id est, quadam Societate, & communione coniuncti, & Sanctorum memoriae venerantes, & reliqua.

Secundò queritur, Quo pacto dicatur: *vt acce-*

pta habeas, & benedicat, nam prius est rem sacrari, & eam deinde acceptam, & gratam Deum habere. Respondeo, hæc verba dici de ipso pane, & vino, canquam de materia statim consecranda. Ac proinde duo hic petit Ecclesia, primùm, ut eam materiam acceptam, & gratam sibi Deus Pater habeat tanquam ad consecrationem aptam, & deliciatam, & deinde, ut benedicat, id est, eam sacrare dignetur, & conuertere in corpus, & sanguinem Christi filii sui Domini nostri. Panem, & vinum sacrificia appellat Ecclesia: quia sunt symbola, & signa veri sacrificij, & hostiæ, qui est Christus Dominus: sunt signa corporis, & sanguinis Domini.

Tertiò queritur, Cur dicatur: *Hec dona, hoc munera, hæc sancta sacrificia*, cum tamen panis, & vinum non sint sacrificia, quæ Domino offeruntur. Cum item vna tantum sit victimæ, & sacrificium, cur Ecclesia dicit numero multitudinis, munera, dona, & sacrificia? Respondeo sensum horum verborum obscurum non esse. Panem, & vinum appellat Ecclesia dona, & munera, nimis conlectanda, & conuertenda in corpus, & sanguinem Domini. Vocab item sacrificia, (ut ad secundum respondeam) non quod sint res ipsa, quæ immolatur, sed quod panis, & vinum sint res, & materia, quæ per consecrationem mutatur in corpus, & sanguinem Christi Domini, qui est vera hostia, quæ in Missa sacrificio offertur, quare vnu est sacrificium, vna victimæ, quæ est Christus Dominus, qui hostia incruente immolatur in Missa: At verò quia duo sunt symbola, & signa, videlicet, species panis, & vini; ideo Ecclesia numero multitudinis appellat mysteria, Sacramenta, & sacrificia, munera, & dona.

Quartò queritur, Quomodo verum sit illud in codem Missi Canone contentum: *Hæc gaudia oblationem servitius nostræ. Respondeo: oblationem appellari ab Ecclesia panem, & vinum, eo quod sint materia ad altare allata, consecranda, & conuertenda in corpus, & in sanguinem Domini. Quid aerat ibidem contenta: benedictam, adscriptam, rationabile, acceptabilemque facere digneris. Videntur enim sub obscura? Respondeo, petere à Deo Ecclesiam, ut eam oblationem consecrando, benedictam, hoc est, faciam ex profana reddat, & eam approbando faciat adscriptam, hoc est, inter dona, & munera: & confirmando rātam efficiat, id est, stabilem, & firmam, quæ nobis fructum certum, & perpetuum reddat. Rationabilem quoque faciat, hoc est, bonam, & rationi maximè cōlentiam: & denique acceptabilem, videlicet, ut etiam ex parte ipsius ministri offerentis digna sit, quæ Deo accepta, & grata habeatur. Hæc verba sunt antiqua, nam apud Ambrosum in lib. 4. de Sacram. cap. 5. habentur, & apud Augustinum, ut refert Gratiatus in c. 7. trum. de confec. dñi. 2. & S. Tho. 3. p. 4. q. 3. a. 4. ea etiam tribuit Augustino. Quamvis locus hic apud Augustinum nunc non extet, reperitur tamen, ac legitur apud Paschaliūm lib. de corpore, & sanguine Domini, cap. 12. ex quo videtur acceptus.*

Quintò queritur, Quo pacto illud ab Ecclesia dicatur: *Sapra que propito, ac sereno vultu reficiat dignus. videtur enim id incommodum, cum petere Ec-*

clesia

eclesia videatur, ut Pater suo filio sit propitius. Et tunc etiam, ut Filium suū acceptum, & gratum habeat, sicut olim munera Abelis, & sacrificium Abraham Patriarchę gratia, & accepta habere dignatus est, quod non videtur satis aptè, & commodè dici. Petet insuper Ecclesia ut iubeat Deus Pater huc deferri per manus Sancti Angelii in sublimi altare suū, in quibus verbis tria subobscura: primum quia peti videatur, ut Christus Dominus manus Sanctorum Angelorum deferatur in cælum. Secundo, quia videtur Sacerdos aliquod altare in cælo collocare. Tertio, quia postulat, ut defratur in cælum, quod ipse statim est consumpturus. Respondeo: ex Scripturis constare, nos Angelorum patrocinio iuuari, precesque nostras eorum ministerio, & opera ad Deum deferri: ergo vere, & aptè Ecclesia petit, ut Angeli nostrum sacrificium deferant in cælum: non quo intelligamus ab ipsis Christum deferendum in cælum, sed ut quod à nobis offertur, ipsis dignentur ad Deum deferre: res enim, quæ offertur, Christus Dominus est, ac proinde non indiget ministerio Angelorum, quo portetur, sed ex parte ipsius ministri, Sacerdotis nempe offerentis, petitur Angelorum ministerium, quod idem est, ac si dicetur: Fac, ut quod nos minus dignè offerimus, ipsis Angeli digniūs offerant. Nec verò illum in cælo altare corporeum, sed spirituale collocamus, cuiusmodi est ipsum cælum. Nam Iohannes Apocalyp. 6. ait vidisse le sub altare Dei animas intercessorum, propter verbum Dei, vbi per metaphoram, altare Dei appellat ipsum cælum: nam sicut Martyrum corpora in terra sub altari posita requiescunt, sic animæ eorum in cælo quieti. Sic etiam sicut in terra super altare preces, & sacrificia Deo offeruntur: sic in cælo Angeli Deo preces nostras offeruntur.

Sexto queritur, quo modo oremus pro ijs, qui dormiunt in somno pacis: & tamen ipsis precamur locum refrigerij, lucis, & pacis? Respondeo, orare nos pro omnibus, quorum peccata pœnis purgatorijs expiantur, ac proinde etiam pro ijs, qui dormiunt in somno pacis: iij enim pacem, & quietem habent ex parte, quatenus pro certo, & comperto habet se æternam felicitatem aliquando consecuturos; quatenus itidē certò nouerunt se nunquam amplius peccaturos. Optamus verò illis locum refrigerij, lucis, & pacis; videlicet plenissimè, nimis, ut debitis pœnarum personis, ad sempiterna gaudia conuolent.

Septimo queritur, Cur in secunda Cōmemoratione, vbi Sanctorum Martyrum mentio habetur, dicatur: Iohannes, Stephani, Matthiae, Barnabæ, cur, inquam Iohannes iterum repeatetur, cum fuerit in prima Commemoratione inter Apostolos numeratus? Quare deinde cur Stephanus Diaconus Matthiae, & Barnabæ Apostolis præponatur? cur item Matthias, cum fuerit duodecim Apostolorū numero adscriptus, fuerit in prima Commemoratione prætermisus? Quidam Iohannem hoc loco intelligent non Euangelistam, sed Baptystam, ac proinde Iohannem, aiunt, non bis commemorari. Alij Euangelistam accipiunt, & cum volente repeti tanquam virginitatis palma cum Stephano coniunctum. Alij verò Marcum Euangelistam accipiunt, cui Iohannis nomen erat

etiam impositum, cum & Iohannes, & Marcus vocaretur, teste Luca. Probabilius ego fenserim, hic Baptystam designari: non enim verisimile videtur, aut eūdem Iohannem Euangelistam bis recenseri, aut Marcum hic nomine Iohannis intelligi, quippe cuius visitatus nomen erat Marcus.

Objicies id, quod præcedit: cum Sanctis Apostolis, & Martyribus suis: ergo Iohannes Euangelista, non Baptista debet intelligi. Respondeo, hic numerari quatuor, duos quidem Apostolos, & duos Martyres: Apostolos quidem, Matthiam, & Barnabam. Martyres vero Baptystam, & Stephanum, & ideo cum præcederibus sequentia cohærent, cum Sanctis Apostolis, & Martyribus suis, cum Iohanne, Stephano, Mattheo, Barnabæ. R O G A B I S S E C V N D O, cur Stephanus sit Matthiae, & Barnabæ præpositus, nempe Diaconus Apostolis. Rufus cum prius dictum sit generatum, cum Sanctis Apostolis, & Martyribus suis. vbi Apostoli Martyribus præferuntur, ut p̄ se est: cur deinde cum nominatim & speciatim referuntur, Apostolos Martyres anteponuntur? Respondeo in hunc modum, cum generatim recensentur, habet Ecclesia rationē dignitatis, potestatis, functionis, & officij: & quia Apostoli dignitate, & munere Martyribus præstant; ideo dictum est, Cum Sanctis Apostolis, & Martyribus suis. In eis vero nominatim recensendis, habita est ratio, non quidem munieris, potestatis, & dignitatis, sed obitus, & mortis. Et quia Baptista primus omnium mortem obiit, primo loco memoratur, deinde Stephanus, qui ante Matthiam, & Barnabam morte occubuit, lapidibus obrutus à Iudeis.

Octauo queritur, Quid significetur illis verbis: Per quem hac omnia Domine semper bona creas, sanctificas, uiuificas, benedic, & praeflas nobis: aut enim haec dicuntur de corpore, & sanguine Domini, & vera non sunt, ut patet: aut de ipsis signis, panis nempe, & vini, quibus etiā non apte conueniunt, cum post consecrationem, hæc dona non amplius Domino offerantur. Quidam existimant, haec verba olim ante consecrationem dici solita fuissent, deinde verò per errorem, post consecrationem fuissent posita. Sed reuera apud Alcuinum in cap. de celebrat. Missæ: Amalar. libr. 3. de Ecclesiast. offic. cap. 26. & cæteros rerum Ecclesiasticarum scriptores, post Consecrationem leguntur, nec aliquid absurdum continent, ut mox apparebit. Dicuntur enim de ipsa materia, ex qua factū est Sacrificium. Ac primò dicimus, per Christum haec bona, signa videlicet panis, & vini, in quibus verè re ipsa Christi corpus, & sanguis sunt, creari; quia cum carceris quoque rebus sunt diuinitus procreata: deinde sanctificari, quia destinata sunt ad sacrificium offerendum: tertio, uiuificari, quia verè in corpus, & sanguinem Domini sunt per consecrationem mutata: quarto, benedici, quia ex ipsa consecratione plenissimam bonorum copiam accepserunt: ultimò præstari nobis; eo quod consecrata sunt, ut sumamus, omniisque bonorum vberitate cumulatissimè repleamur.

Nondò queritur, Quando primum recitari coepit Oratio Dominicana in Missæ officio? Innocent. lib. 5. de Myster. Missæ. cap. 17. & quidam aliij iuiores preicationem Dominicam sentiunt intra sacrum Missæ Canonem contineri, ita ut ea sit ipsius Canonis finis. At Alcuinus lib. de rebus Ecclesi. in

A.D. 12. &
15.

cap. de celebra, Missæ, & Amalar. lib. 3. de Eccles. offic. cap. 20. ac ceteri Innocentio antiquiores tradunt eam post verba Canonis legi, idque fit mihi probabilius. Habetur autem hęc oratio in omnibus liturgijs: & ex Ambros. lib. 5. de Sacramen. ca. 4. Hieron. lib. 3. contra Pelagianos. August. serm. 28. de verb. Domini; & lib. 50. homiliarum hom. 42. Gregor. lib. 7. epist. 67. & Concilio Tolerano. 4. can. 9. constat, eam in Missæ sacrificio esse recitandam. Quod verò petitionibus confiteri, & quid vnaquęq; earum petitio contineat, diximus lib. 8. cap. ultimo, cum generatim de oratione tractauimus.

Decimò queritur. Quid significet pr̄ illis verbis: *Hac commixtio corporis, & sanguinis Domini. videtur enim obscuritatem continere, nimirum signantum, & species panis, & vini cōmisercent, non ipsum corpus, & sanguis Domini. Rursum nulla sit consecratio, cum iam facta fuerit. Respondeo horum verborū sensum esse; sicut corpus Domini dicitur tangi, teri dentibus, manibus sumi, in altū tolli, eo quod de specie panis, in qua ipsum corp̄ est, hac diecūtur, sic corpus etiam Domini, & sanguis dicūtur permisceri, cum signa, & species panis, & vini cōmisercent. Fit autem permixtio mysticæ, id est, ut quiddam nobis sacram significetur. Sunt enim corpus, & sanguis per se seorsum consecrata, ad mortem Christi in memoriam reuocandam, per quam effusus est sanguis ipsius. Cōmisercent species panis, & vini, ad mysterium Domini resurrectionis designandū, per quam iterum est sanguis corpori coniunctus. Consecratio vero non dicitur simpliciter fieri; sed, vt fiat nobis accipientibus salutaris, & fit nobis utilis ad æternam vitam, & gloriam consequendam.*

Vndecimò queritur. De antiquitate, qua sacra panis species franguntur, ac in partes diuiditur, antequam Sacerdos eam sumat. Dionysius Areopagita, in c. 3. de Eccles. Hierar. Jane, inquit, operum patrem, & individuum aperii (Sacerdos) in frangere cōcidens. Chi yestomus item hom. 24. in 1. ad Cor. Quare addidit (Apostolus nempe) panem frangimus. *Hoc in Eucharistia videre licet, in Cruce autem minime, sed omnino cōtra.* Os enim eius non cōteretur. Sed quod in Cruce passus non est, id in oblatione patitur: & propter te frangi permittit, vt omnies satiet. Huius etiam diuisioñis, & fractiōnis faciat Hostia meminerunt Augustinus, Beda, Proper, Haymo, Algerus, Guymodus, Paschalis, quorum testimonia citat Durant. lib. 2. de ritiib. Eccles. Cathol. c. 51. Et annotandum est, olim sacram Hostiam in tres partes diuidam solitam, quarum una mittebatur in Calicem, alteram statim Sacerdos sumebat; tertia verò pars in altari vslq; ad Missā finem reseruabatur: qui ritus postea est in Ecclesia mutatus; neque enim tertia pars referatur, ob pericula, quę oriri circa eam possent, pīe, & religiosè deuirdanda. *S. Tho. 3. p. q. 83. ar. 5. ad S. Bonau. 4. dīst. 12. ar. 1. q. 3. Gabr. super Canon. Missæ. lectio. 80.*

Duodecimo queritur. Quare pax omnibus nuntiatur à Sacerdote in Missæ sacrificio? Meminere, (vt hoc obiter prius dicam) huius cérémonie Dionysius Areopagita, Clemens, Chrysostomus, Augustinus, & Optatus Mileuitanus. Pax igitur nuntiatur à Sacerdote, quia Missæ sacrificium est panis mysterium ad reconciliandos Deo peccatores. Deinde est Sacramentum pacis, concordia, & charitatis, vt quotquot id sumūt, tanquam

Christi membra inter se se societate coniungantur, & in unum veluti corpus coalescant.

Precationem verò illam, *Agnus Dei, institutam esse à Sergio I. ante Communionem, teflantur Alcuinus, Amalarius, Walfridus, Rupertus, Sigibertus, Micrologus, quos citat Durant. lib. 2. de ritiib. Eccles. Cathol. cap. 41. num. 7.* Olim porrò ter a populo, & Clero dicebatur, *Agnus Dei miserere nobis;* postea verò auctore Innocentio III. lib. 6. de Missæ. Missæ. cap. 4. irruentibus varijs persecutionibus, & erroribus, cōcepit vbiique ferē, cum tertio dicitur, *Agnus Dei, qui tollis peccata mundi, addidicat illud, dona nobis pacem.* In sacrificijs tamen, quæ pro mortuis sunt, & offeruntur, nec datur pacis osculum, quia iam est vivi excederunt, nec nobiscum amplius commorantur: nec dicitur, *miserere nobis;* sed, *dona eis requiem.* Deinde ante communionem, post verba, *Agnus Dei, ter repetita, tres Orationes fundit Sacerdos, qua vt scribit Micrologus ca. 17. ex vsl, & more Religiosorum recitantur.*

Decimo tertio queritur. Quare precatioñes, quæ ad finem Missæ dicuntur, vobis centur, Post communionem? Respondeo, id inde venisse, quia olim, postquam Sacerdos corpus Domini sumperat, Clerus, & populus sacram Communionem percipiebat, & deinde succedebat precatio, qua Dei pro omnibus Sacerdos orabat: vnde factum est, vt ea oratio dici cōperit Postcommunionem. Processu deinde temporis populus, immo etiam Clerus à sacra sece communione abstinebat: vnde quidam opinantur, loco faciat communionis esse introductum panis, quem vocant benedicti vsl, qui in diebus Dominicis, & alijs solemniis festis dari ad finem Missæ populo solet. Ceterum, panis benedicti vsl antiquior est. Pius enim I. qui M. Antonini Veri temporibus floruit, sic constituit; vt de oblationibus, quæ offeruntur a populo, & consecrationibus, quæ superfunt, vel ex panibꝫ, quos deferunt fideles ad Ecclesiā, vel certe de suis Presbyteri conuenienter partes incisæ habeat in vase mundo, nitido, & commodo, vt post Missarum solemnia, qui communicare non fuerint parati, eulogias omni di domino, & diebus festis inde accipiant. Nazianzenus in adiunctu patri sui oratione 19. le panes sacrare, & Cruce signare confueisse, innuit his verbis: *cum canistro patibusque in primis candidis pro meo more benedicti, & Cruce conjugatis.* Exstat etiam eiusdem panis benedictio apud Augustinum, & Paulinum. Vnde in Concilio Florentino, quod primum Ferraris inchoatum est sub Eugenio Quarto, legitimus, proxima Dominica quindecim Græcos Sacerdotes Imperatoris iussi, sacram solemniter ritu fecisse, & Marchionem Ferrarensem cum suis ciubus affuisse, & panem benedictam ē manu Patriarchæ Constantinopolitani, more Græcorum, accepisse. Et apud Græcos teste Nicolao Cabafila, Sacerdos ab solo Missæ sacrificio, oblatum panem, ex quo sacram panē abscondit, in mulea diuisum frumenta tradit fidelibus, vt qui sanctus sit, eo quod templo plero dicatus, & oblatus. Illi autem pīe, & religiosè suscipiunt, & Sacerdotis dexteram osculantur. Olim porrò hic panis in ipso sacrificio sacrari solebat; nunc verò eo ab solo, & per se, precatioñibus adhibitis de more sacratur.

Decimo quartō queritur. An sacram vulgari

lingu,

Quos citat
Durant li.
2. de ritiib.
Eccles. Cathol. ca. 52.

lingua, & Sermone recitari debeat? Hæretici contendent id ita fieri oportere. At Synodus Tridentina *sess. 22. Canon. 9.* contrarium fanciuit, his verbis: *Si quis dixerit, vulgariter tam lingua Missam celebrari debere; anathema sit.* De hac quæstione supra suo loco breuiter disputatione.

Decimoquinto quæritur, An vsus Missarum priuatarum è medio tolli, & abrogari debeat? Et an fuerit in Ecclesia peruetus? Hanc questionem tractat Durant. *li. 2. de ritib. Eccl. Cathol. c. 4.* vbi testimonij S. Ambros. Augu. Chrysost. Nazian. Prosperi, Iustini, usum priuatarum Missarum comprobant. Hæretici contendunt, Missas priuatas, que sci licet ab illo populi conuentu celebrantur, vel in quibus nullus præter Sacerdotem, sacram communionem sumit, esse abolédas, quia olim Missæ non celebrabantur nisi conueniente, & astante populo, & Sacram Eucharistiam sumente. At Synodus Tridentina *sess. 22. Canon. 8.* definit: *Si quis dixerit Missas, in quibus solus Sacerdos sacramentaliter communicat, illicet esse, ideoque abrogandas; anathema sit;* & idem decernit c. 6. A iunt præterea Hæretici, Luteroni, & Calviniani, ante Gregorium I. non fuisse in viu Missas priuatas, sed tantum publicas. Certe quamvis olim Missæ publicæ colerentur, priuata tamen erant etiam vsu receptæ, nec quipiam video esse, quod impedit, quo minus Missæ priuatae celebrantur. Obijcunt nobis Canonem X. Apostolorū, & Canonem Anacleti in *c. Peralta.* De confes. *dist. 2.* vbi excommunicatione afficiuntur, qui ante discedunt à templo, quæ sacrificium finiatur: & qui sacram Communionem non sumunt: item Canonem Sotheris in *cap. Hoc quoque.* De confes. *dist. 1.* vbi habetur, illam esse legitimam Missam, in qua adiunt Sacerdos, respondens minister, offerentes astantes, & communicantes. Respondendo, hos Canones id decernere, quod tunc demore siebat; at progressu temporis vsu abrogati fuerunt. Obijcunt deinde illa sacri Canonis verba: *Vt quicquid ex hac altaris participatione sumptissimum, & sacramentum, que sumptissimum, ergo in Missa plures debent adesse, & Sacram Communionem percipere.* Respondendo, ea verba in Missa dici iuxta morem pristinum: nihilominus etiam nunc vere dicuntur, quia Sacerdos ea dicit publico Ecclesiæ nomine: sicut quando orationem Dominicam priuatim quisque recitat, dicit, *Pater noster;* & *Dimitte nobis debita nostra, sicut & nos dimittimus debitoribus nostris.*

Decimosexto quæritur, An vsus Ecclesiæ, quo in Missa quædam alta voce, alia tacite, & silentio dicuntur, reprehendi meritò querat? Hæretici, suo more, reprehendunt: sed eos damnat Synodus Tridentina *sess. 22. Canon. 9.* Christus Dominus nihil de hacten constituit, sed liberum Ecclesiæ reliquit, ut quicquid vellet decerneret. Graci quidem licet quædam in silentio dicant, alia vocaliter pronuncient, verba consecrationis alter proferunt: sed Latina Ecclesia, & consecrationis verba, & multa item alia tacite pronunciat iustis de causis; ne vide liceret ea ad omnium aures perferrantur, & sapientius audita facile contemnatur, vulgus enim quæ siue repetita audit, despiceret conseruit.

FINIS LIBRI DECIMI.

IOANNIS AZO RII LORCITANI, E SO- CIETATE IESV,

I N S T I T U T I O- N V M M O R A L I V M ,

LIBER XL.

DE SECUNDО PRAECEPTO
Decalogi, Non assumes nomen
Domini Dei tui in
vanum.

CAPVT PRIMVM.

Quidnam hoc Praecepto imperetur.

LLV D primo loco quæritur, quidnam secundum in Decalogo Dei praecipi imperet, quid veler? Respondeo, in hunc modum: quando lex aliquid fieri prohibet, in eo etiam simul continetur præceptio earum rerum, quas præstare quisque deberet. Vnde cum hoc secundo præcepto, quod nomen Dei in vanum usurpare vetat, coniuncta quoque est lex, quæ nomen Dei honorare, & per illud religiosè, & sanctè iurare præcipit. Prohibet igitur hoc Præceptum, quo minus quis sacro sanctum Dei nomen contineat, polluat, vanè usurpet, quo minus item per ipsum, aut fallo, aut frustra, aut temere iuret. Nam adeo omnia iure iurando affirmantur, aut negantur: adeo omnia imprecatio-ribus, & execrationibus referta sunt, ut nemo ferè, vel vendat, vel emat, vel negotijs aliquid gerat, qui non iufurandum interponat, Deique sanctissimum nomen millies, vel in re leuissima, & inani, temere non ad testimonium adhibeat.

Secundò quæritur, Quid Dei Nomine in hoc Præcepto intelligatur? Profecto, cum iubemur debitum diuino nomini honorem tribuere; non iubemur ipsius nominis literas, & syllabas, aut omnino per se nudum verbum tantummodo attendere, sed in eam cognitionem mentem, & animum conjicere, quidnam valeat, quid contineat, quid significet illa vox. Non igitur nomen Dei honoramus, & colimus propter ipsum vocis sonum, aut propter literas, & syllabas, quibus constat, sed propter imitatem Dei maiestatem diuino nomine significatam. Deinde, hoc Præceptum, quod nomen Dei imperat honorari, non de uno aliquo nomine, sed de omnibus, quæ Deo tribui solent, intelligendum est, multa enim Deo indita, ac posita sunt nomina, ut Domini, Omnipotenti, Altissimi seu Excelsti, Regis regum, & alia id genus, quæ in scripturis psalmi leguntur.

Tertiò quæritur, Qua ratione diuinum nomen veneremur, & honoremus? Respondeo, nos colere, & venerari Dei nomen in primis, cum lauda-